

Vn wandelbare in got erchant

Iaphet der ander nam was

Cham hiez der dritte alz ich laz

No begonde sere
Nemer vnd xemere

Wachsen die leüt ir warr vil

Alleu zeit vnd alleu zil

Nam spote vnd frue

Ir zal wachsend zwo

Sünd vnd sündleicher sin

Begond auch wachsen an in

Mit chunstleicher liste chraft

Wuchst auch ir pest maisterschaft

An maniger chonst mit weishait

Nu het her Adam in vor gesait

Daz alleu werlt müst zergan

Mit wazzer also ende han

vnd mit feure für di vorht

Ir chunst mit fleizze worht

Zwo seül die ein ziegelem

Waz vnd die aine staimem

Von mermel liehter denne eiglaz

Swar chunst von in funden was

Vnd er dacht die schriben sie

An die selben seül hie

Dise liste si solden

In haben alz si wolden

So diu werlt vnd daz leben

Ir tötleiches ende solde geben

Daz ir nach chomen sider

Die list aber funden wider

No wuchst ze tag zetag

Nach der warhait sag

Vnd nach der geschrift yrechund

Der leüt sündleiche sünde

Der bei der zeit so vil geschach

Daz got in seinem zorn sprach

In reuue daz vnd war ym lait

Daz er geschuf di menshait

Vnd daz er dez nicht wolde

Daz sein geist beleiben solde

Bei dem menschen al war

Yber zmainzig vnd hundert iar

Wan si vleizsch fleisch vnd plüt

Waren vnd darnach gemut

Daz di werlt di lere geit

In dirr selben tagzeit

Hiez got machen Noe ein arch

Von sinebelem holz starch

Beraiten vnd machen

Von chrestichleichen sachen

Daz si getragen möhte

Swar ir zetragen tochte

Darnach so got wolde

Daz man si laden solde

Alz ew vil schir wirt gesait

Mit rechter ganzer worhait

Nicht lenger frist me

Saumd gotes gepot Noe

Di arche macht er zehant

Tanch hoch vnd starch erchant

Alles dez gemaches vol

Dez alleu dinch bedorften wol

Die in der arche solden wesen

Vnd mit Noe darinne genesen

Vnd wol bewaren vor all not

Gör aber do noe gepot

Daz er nicht lenger sold sparen

Er sol in di arch varn

Er vnd sein weip vnd seineu chint

Seine söne die genennet sint

Mit iren weiben alle drin

Doch gepot in got da bei

Swenne si in di arche hin

Chomen daz si denne zwin

Von allen lebenden dingen gar

Geleich gezwonet dar

Enpfingen ein er vnd ein sig